


# 民國叢書

第五編

• 99 •



# 民國叢書

第五編

· 99 ·

綜合類

南園叢稿（下）

張相文著

上海書店

張相文著

南園叢稿下



印 刷 者

代 售 處

發 行 所

中 華 北 平 印 書 局  
電 報 掛 號 一 六 七 三  
中 華 北 平 印 書 局  
電 報 掛 號 一 六 七 三

各 大 書 坊

中 國 地 學 會

第 一 輯 共 拾 伍 冊 定 價 拾 肆 圓

定 價 拾 貳 圓

全 書 拾 壹 冊

中 華 民 國 二 十 四 年 孟 夏 出 版

中國地理  
沿革史



正誤表

萬法精理卷二第二二張第二面第七行第二十二字撤應作撒

萬法精理卷四第六張第一面第二行第十八字津應作律

榮哀錄第十二張第二面第一行藺應作蘭

榮哀錄第十八張第二面第五行際應作睽

榮哀錄第二九張第二面第一行遽應作遂



\*Z00472180\*

# 南園叢稿目錄

## 卷十五

### 中國地理沿革史卷上

#### 緒言

第一章 上古及夏商 上古疆域所至 夏之九州 殷之九州 本期

#### 中之開化地

第二章 周初及春秋 周之都邑 周之九州 周代諸侯國 本期中

#### 之文明集中地

第三章 戰國之形勢

第四章 秦之疆域

第五章 楚漢爭戰

第六章 漢代疆域

目錄  
第七章 漢之外競

第八章 王莽之亂

第九章 後漢之疆域

第十章 後漢之對外

第十一章 漢末之亂

第十二章 魏之疆域

第十三章 蜀漢之疆域

第十四章 吳之疆域

第十五章 晉之統一

第十六章 五胡之亂

第十七章 南北朝疆界

第十八章 隋之統一及其末世之紛亂

# 中國地理沿革史

此爲民國六十七年在北京大學時所編講義。迄未刊印。各省常有遠道寄函求索者。今特爲刊布於此。原稿共三十二章。不分卷。今爲便利起見。分爲上下兩卷。每卷一冊。

泗陽張相文蔚西撰

男星煥校

## 緒言

地理學之爲用極廣。而與歷史之關係尤爲密切。蓋歷史者所以記述人羣進化之程序。而所以印證此程序之遺蹟者。無一事不留存於地理。故治歷史而不明地理。猶之奕者不識棋枰。而於攻守防禦之局勢。將替亂而莫知所措。顧於歷史中印證地理。其山川形勢。既隨世運而變遷。疆宇分合。常因政治而轉移。繁變紛紜。已覺不可勝紀。又或州郡僑置。地異而名同。陵谷遷移。名同而地異。今試由民國而上溯明清。地名改易。殆已十之二三。更由明清而上溯唐宋遠及秦漢。其同者不及十之一。

二。而異者乃至十之八九。因是考證沿革，乃占史類之重要部分。自爾雅職方以及歷代地志，皆各有專書論之。然篇帙浩繁，無暇備述。茲編特舉其大體，爲治史者開其端緒焉。

## 第一章 上古及夏商

### 上古疆域所至

中國之開國遠矣。自民族西來，率棲息於黃河沿岸之地。伏羲神農皆都於陳（今淮陽）。然伏羲尙爲游牧社會，神農則當耕牧遞嬗時代。地廣人稀，渾渾噩噩，疆理固非所急也。至於黃帝戰勝蚩尤，北逐葷粥，東至海，西至空同（在今平涼），南至江，四封所及，始有可稽。顓頊建九州，帝嚳受之。北至幽陵（幽州之北），南至交趾（今安南），西至流沙，東至蟠木，堯命羲仲，宅嵎夷，羲叔宅南交，和仲宅西，和叔宅朔方。其治似較黃帝爲恢廓矣。中遭洪水之變，天下分絕，舜攝帝位，使禹平水土，列

爲九州。復以冀北恆山之地爲并州。東北醫巫閭之地爲幽州。青州東北遼東之地爲營州。書所謂肇十有二州是也。（參觀史記五帝本紀）

### 夏之九州。

夏有天下，還爲九州。根據山川，以定疆界。自是內地區畫，始覺分明。故禹貢爲地理家萬世不易之書。今摘舉其大要如左。

河內惟冀州。三面距河。爲王畿之地。山曰壺口。太岳。澤曰大陸。水曰衡漳。恒衛。厥土白壤。厥田中中。島夷皮服。貢道夾右碣石而入河。

濟河爲兗州。水曰九河。灘沮。澤曰雷夏。厥土黑墳。厥田中下。厥貢漆絲。厥篚織文。浮於濟。漚達於河。

海岱惟青州。水曰灘滴。厥土白墳。厥田上下。厥貢鹽絺。海物如錯。岱畎絲枲。鉛松怪石。厥篚檠絲。由汶達濟以入河。

海岱及淮惟徐州。山曰蒙羽。水曰淮沂。澤曰大野。厥土赤植墳。厥田上中。厥貢爲土五色。羽畎夏翟。嶧陽孤桐。泗濱浮磬。淮夷蠙珠暨魚。厥篚玄纁編。浮於淮泗以達河。淮海惟揚州。水曰三江。澤曰彭蠡震澤。厥土塗泥。厥田下下。厥貢惟金三品。瑤琨篠簜齒革。羽毛惟木。島夷卉服。厥篚織貝。厥包橘柚錫貢。沿江海以達於淮泗。

荊及衡陽惟荊州。水曰江漢潛沱。澤曰九江雲夢。厥土塗泥。厥田中下。厥貢羽毛齒革。惟金三品。杻榦枯栢。礪砥磬丹。惟筥鼈楮。包匭菁茅。厥篚玄纁璣組。浮於江沱潛漢。逾於洛。至於南河。

荊河惟豫州。水曰伊洛瀍澗滎波。澤曰荷澤孟豬。厥土惟壤。下土墳埴。厥田中上。厥貢漆枲絺紵。厥篚纖纁。浮於洛達於河。

華陽黑水惟梁州。山曰岷嶓蔡蒙。水曰沱潛。厥土青黎。厥田下上。厥貢璆鐵。銀鏤磬。熊羆狐狸織皮。西傾因桓是來。浮於潛逾於沔。入於涓亂於河。

黑水西河惟雍州山曰荊岐終南鳥鼠水曰渭汭漆沮涇潁弱水澤曰蒲野厥土黃壤厥田上上厥貢璆琳琅玕崑崙析支渠搜織皮浮於積石至於龍門西河會於渭汭（參觀尙書禹貢又胡渭禹貢錐指）

### 殷之九州

殷革夏命詩稱九有爾雅兩河間曰冀河南曰豫濟東曰徐濟河間曰兗河西曰雍漢南曰荊江西曰揚燕曰幽濟曰營蓋分禹之冀而復舜之幽又并青於徐而復舜之營然班固漢書地理志則以爲殷因於夏無所變更爾雅所言是否殷制已弗可詳考矣（參觀爾雅釋地）

### 本期中之開化地

由上世以迄夏殷爲中國之開化時期亦爲傳疑時代羲農皆都於陳黃帝都於有熊（今新鄭）又都涿鹿（今縣）少昊都窮桑（在今曲阜）顓頊都帝丘（在

今大名）帝嚳都亳（在今偃師）大都不外成皋以東黃河沿岸一帶。蓋以其土地膏腴。氣候溫和。猶之埃及之泥羅印度之恒河。最適於文明之發生地也。

及堯遭洪水。始遷都於平陽（今縣）舜禹因之。遂都蒲阪（今永濟縣）都安邑（今安邑縣）皆在河曲以東。地勢高亢。可避水患故也。

殷世湯始居亳

亳有三。南亳在今商丘。北亳在今蒙城。西亳在今偃師。湯由南亳徙都焉。

仲丁遷囂（在今滎陽）河亶甲居

相（在今安陽西北）祖乙圮於耿遷邢（在今邢台）盤庚遷殷（即西亳）武乙徙朝歌（在今濬縣）始稍稍東出。降丘宅土。復上世之舊矣。

吾族最初開化之地。大都在冀豫徐兗諸州。大江以南。則揚有荊蠻。荊有三苗。有鬼方。西南則梁有蜀山氏及蠻叢魚鼈之國。大抵皆蠻民部落也。然黃帝娶於蜀山玄囂。昌意又降居江水。若水石紐爲禹之所生。皆梁州地也。舜巡蒼梧。禹征三苗。殷伐鬼方。皆荊州地也。禹爲塗山之會。誅防風氏。則揚州地也。舜竄三苗於三危。啟征有

扈后稷封於郃公劉太王遂以豳岐開基則雍州地也。當日文明傳播之迹。固亦遠矣。

## 第二章 周初及春秋

### 周之都邑。

周自太王遷岐始改號曰周。（今陝西岐山縣）王季宅程亦曰鄆。（在今陝西咸陽縣）文王遷豐（在今長安縣）由西而來。日益強盛。西伯戡黎（今山西黎城）已拊殷都之背。化及江漢。三分有二。迨武王遷鎬（在今長安）西土景從。合庸（今湖北竹山縣）蜀（今四川成都）羌（今甘肅南部）黎（四川東部或云即旄牛）微（四川東部）盧（湖北南漳縣）彭（四川彭山縣）濮（湖北石首縣之南）之衆。因以戰勝牧野（今河南淇縣南）成王營洛邑（今洛陽縣）仍爲東西兩京。懿王徙犬邱（今陝西興平縣）猶近西京。迨平王避犬戎之難。東遷於洛。

而周日衰矣。（參觀史記周本紀）

### 周之九州。

周初定鼎，亦號九州。屬職方氏。東南曰揚州。山會稽。（在今紹興）藪具區。（今太湖即禹貢震澤）川三江（缺疑。或云即揚子江、淞江、浙江）浸五湖（缺疑。或云即太湖東岸五灣）。

正南曰荊州。山衡山。（今湖南衡山）藪雲夢。（在今湖北安陸縣）川江漢。（見禹貢）

（浸潁潁（缺疑）

潁水出河南登封縣。東南行入淮。潁水出汝縣魚齒山。經葉縣北入汝。

河南曰豫州。山華山（見禹貢）藪圃田。（在今河南中牟縣）川滎洛。（見禹貢）浸波澨。（缺疑。或云波汝水枝流在河南汝縣澨。潁水枝流在湖北隨縣）

正東曰青州。山沂山。（在山東臨朐縣南）藪孟豬。（在河南商丘縣東北）川淮泗。（見禹貢）浸沂沭。（沂出沂山。東流入泗。沭亦出沂山。南流入淮）。

河東曰兗州山岱山（見禹貢）藪大野（見禹貢）川河涕（見禹貢）浸虜灘（  
可疑盧在山東長清縣灘見禹貢）

正西曰雍州山岳山（在陝西隴州）藪苴蒲（在陝西隴縣）川涇汭（涇出甘肅平涼縣西南行入渭汭出苴蒲藪東流合於涇）浸渭洛（渭出甘肅渭源縣洛出陝西白水縣南合漆沮至朝邑入渭）

東北曰幽州山醫無閼（在奉天北鎮縣）藪獫狁（在山東萊陽縣）川河涕（見前。此爲下流）浸蠶時（藪即潘見禹貢時出山東臨淄縣西合小清河）

河內曰冀州山霍山（在山西霍縣）藪楊紆（在直隸藺晉鉅鹿諸縣）川漳（濁漳出山西長子縣清漳出平樂縣至河南臨漳縣而合）浸汾潞（汾出山西靜樂縣管涔山南流入河潞可疑。或云即濁漳。或云即通縣白河）

正北曰并州山常山（即恆山）藪昭餘祁（在山西祁縣）川溥沱（出山西繁